

Paheko Tauoti

HE MAHI WHAKAPAKARI 1

4
5
6
7
8

Hei Mahi 1: He Rapanga Pakitau

Ngā tohutohu:

Whakaaturia ō mahi katoa hei whiriwhiri i ēnei rapanga pakitau.

1. He hanga tēpu, tūru hoki te mahi o tētahi wheketere. E \$656 te utu hei hanga mā te wheketere i tētahi tēpu, \$124 hei hanga tūru. E hia te utu hei hanga i tētahi tēpu me ētahi tūru e whā?
2. E \$896 te utu hoko i te tēpu, \$175 te utu hoko i tētahi tūru. E hia tāra te whakapikinga utu mō te tēpu kotahi me ngā tūru e whā?
3. E 5 ngā tēpu, e 30 ngā tūru ka taea e te wheketere te hanga i te rā kotahi. Mēnā ka hokona katoatia, e hia te moni hua ka riro i te wheketere?
4. Whakaarohia āu ake rapanga pakitau pēnei i ēnei i runga nei, ka tuhi ai ki te pepa. Whakamahia ngā tau e taea ana te whiriwhiri i rō hinengaro. Tuhia ngā whiriwhiringa hei whakaoti i ngā rapanga ki muri o te pepa.

Hei Mahi 2: Te Tau Māmā me te Tikanga Paremata

Hei whakaoti i te tāpiritanga $197 + 379$, ko tā Hēmi, he tāpiri i te 200 me te 379, me te tango anō i te 3.

Mēnā ka whaihua tonu tēnei rautaki hei whakaoti i ētahi o ngā rapanga e whai ake nei, me whakaoti, ka whakamārama hoki i ngā whiriwhiringa. Ki te kore e whaihua tēnei rautaki, me whakamārama he aha i kore ai, me te whakamārama hoki i tētahi atu rautaki e whaihua ana.

- | | | |
|--------------------|--------------------|--------------------|
| 1) $196 + 455$ | (2) $368 + 299$ | (3) $490 + 447$ |
| 4) $679 - 398$ | (5) $375 - 196$ | (6) $459 - 135$ |
| 7) $288 + 166$ | (8) $599 - 341$ | (9) 3×19 |
| 10) 5×119 | (11) 8×98 | *(12) $480 \div 9$ |

- 13) Tuhia ētahi rapanga e rima e whai wāhi mai ana te tau ā-ira, e hāngai ana hei whakaoti mā te rautaki nei. Whakaotia ō rapanga, ka whakamārama ai i ō whiriwhiringa.

Hei Mahi 3: Ngā Taiapa me te Whakarea

Hei tauira:

E taea ana te tuhi whakareatanga me te kore e whakamahi i te tohu whakarea 'x'. Ka whakamahi kē i ngā taiapa:

$$2 \times 4.1 = 2(4.1)$$

Ngā tohutohu:

Whakamahia he taiapa hei tuhi i enei whakareatanga:

1) 7×45

2) 6×29

3) 5×119

Hei tauira:

E taea ana te whakareatanga 6×23 te tuhi pēnei, me te kore e whakamahi i te tohu 'x':

$$6 \times 23 = 6(20 + 3)$$

E taea ana te whakareatanga 8×89 te tuhi pēnei, me te kore e whakamahi i te tohu 'x':

$$8 \times 89 = 8(90 - 1)$$

Ngā tohutohu:

Kia pēnei anō te tuhi i enei whakareatanga:

4) 3×21

5) 4×32

6) 6×79

Hei tauira:

He ōrite ngā whakareatanga e rua nei: $6(20 + 3) = 6 \times 23$

Hei whakaoti i te whakareatanga $6(20 + 3)$, ka whakareatia te 6×20 , me te tāpiri anō ki te 6×3 . Arā:

$$\begin{aligned} 6(20 + 3) &= 6 \times 20 + 6 \times 3 \\ &= 120 + 18 \\ &= 138 \end{aligned}$$

Ngā tohutohu:

Kia pēnei anō te tuhi me te whakaoti i enei whakareatanga.

7) 5×43

8) 6×33

9) 6×69

